



## Publicaziuns dalla vischnaunca, jamna 22

### Votaziuns federalas, votaziun cantunala ed elecziun communal

L'urna principala en casa communal ei aviarta sco suonda:

**Sonda 13-6-2015 18.30–19.30**  
**Dumengia 14-6-2015 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen **venderdis, ils 12 da zercladur 2015, allas 17.00**, tier l'administraziun communal (tel. 081 920 36 36).

### Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar grisch e serrar giu ella.
2. Metter la cuviarta da votar grisch ensemen cun il certificat dil dretg da votar *suttascret* en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 13 da zercladur 2015 allas 12.00 tier l'administraziun communal.

Il certificat dil dretg da votar ei da suttascriber. *Senza Vossa suttascripziun cun agen maun ei la votaziun nunvaleivla.*

*Suprastonza communal*

---

### Damonda da baghegiar

**2014-1030.000**

**Datum dalla publicaziun: Ils 29 da matg 2015**

**Il patrun:** Rita Christen Kreiliger, Via Sut Baselgia 1, 7180 Disentis/Mustér Martin Kreiliger-Christen, Via Sut Baselgia 1, 7180 Disentis/Mustér

**Il representant:** Rita Christen Kreiliger, Via Sut Baselgia 1, 7180 Disentis/Mustér Martin Kreiliger-Christen, Via Sut Baselgia 1, 7180 Disentis/Mustér

**Object:** Bargia da lenna, midada da project, **procedura posteriura**, parcella 1303, Via Sut Baselgia 1, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 26 da matg 2015  
*Uffeci da baghegiar Disentis/Mustér*



### Referendum facultativ spirau

Il 24 d'avrel 2015 ha il cussegl da vischnaunca approbau il rapport da gestiun ed il quen 2014 sco era concediu in credit supplementar da frs. 113 000.– per l'avertura dalla zona da mistregn a Pignola. Encunter quellas decisiuns ei enteifer il termin fixau buca vegniu fatg diever dil referendum, aschia ch'ils conclus han contonschiu vigur legala. Il rapport da gestiun 2014 ell'usitada fuorma stampada e ligiada vegn distribuius proximamein en tuttas casadas. Ulteriurs exemplars san vegnir retratgs en casa communal (stanza da publicaziun).

*Suprastonza communal*

---

### Administraziun communal

Sur Sontgilcrest ei l'administraziun communal serrada naven da **mesjamna, ils 3 da zercladur 2015 allas 17.00 entochen venderdis, ils 5 da zercladur 2015 allas 9.00.**

*Administraziun communal*

---

### Via d'uaul Cavardiras–Caischavedra

Muort moviments da terren resta la via denter Chischarolas e Runtget serrada per tut traffic. Pedunzs san passar senza impediments. Ina sviaziun pil traffic ei signalisada sur las Bovas.

Bien engraziament per la capientscha.  
*Uffeci forestal Disentis/Mustér*

---

### Possessurs da dretgs e pursanavels dallas alps Russein-Cavrein

#### Radunonza generala

**Dumengia, ils 31 da matg 2015** allas 20.15 ell'ustria Rhätia a Mustér.

Cordialmein envida  
*la suprastonza*

---

### Club da ballapei Sedrun–Muster

Il club da ballapei Sedrun–Muster envida affons dallas annadas 2006–2010 dallas vischnauncas da Sedrun–Medel–Muster da separticipar als trenaments da ballapei mintgamai la gievogia dallas 18.00–19.00 sil plaz da ballapei a Sedrun.

Bugen dein a Vus dapli informaziuns:  
Tina Bundi responsabla pils juniors dil CB Sedrun–Muster, tel. 081 947 52 81, e-mail: [ti-na@corsinbundi.ch](mailto:ti-na@corsinbundi.ch) Dario Manetsch trenader dils juniors E Guido Friberg trenader dils juniors F

Nus selegrein sin vossa preschientscha  
*Dario/Tina/Guido*



### **Festival da chors d'affons e giuvenils svizzer – SKJF\_15 a Mustér**

Ei para sco sche ils tuns e suns dils chors dil festival SKJF\_15 resunien aunc adina en nossas ureglias, ellas baselgias e las streglias da Mustér e contuorn. Ei era buc da surveser che la buna luna dallas cantaduras e dils cantadurs han tschaffau nus tuts e schau anavos nunemblideivlas regurdientschas vida quater dis plein cant e musica. Mo tgei fuss nies festival staus senza igl excellent engaschi da nos gidonters? Il grondius sustegn dallas vischnauncas e las pleivs? Il grond interess dalla populaziun? Las medias che han reportau da nies festival? Ils agids spontans e nuncomplicai?

Duront nies temps da preparaziun, sco era duront il festival, havein nus astgau sentir in grond sustegn dalla regiun. Aschia ei nies festival daventaus in success – en stil pign e dign, preparaus e sustegnius cun engaschi e bia cor. Per tut quei sustegn, en tutta moda e maniera, engraziein nus fermamein.

*El num digl entir comitée d'organisaziun  
Flavia Walder*

---

### **Ludoteca Mustér**

**17avla radunonza generala dall'uniun Ludoteca Mustér, gievgia, ils 4 da zercladur 2015 allas 18.30 en ludoteca**

Beinvegni

Tractandas

1. Elecziun d'inA dumbravuschs
2. Protocol dalla 16 avla rg dils 26 da zercladur 2014
3. Rapport dalla presidenta
4. a) rapport dalla cassiera  
b) rapport dallas revisuras
5. Elecziun d'ina nova cassiera  
Elecziun da 2 novAs revisurAs
6. midada da num
7. Program da lavur
8. Informaziuns
9. Varia

---

### **Stan da sittar Sars Sut**

#### **Societad da tir Desertina 100 m**

Pusseivladat da sittar en la buis da catsch'aulta e bassa (cun attest).  
Mintga mesjamna tochen la fin uost (26-8-2015) naven dallas 19.00.

*La societad da tir Desertina*



## Uniun da dunnas/mummas cun affons pigns Mustér

### Viseta en biblioteca

Termin: **mesjamna, ils 3 da zercladur 2015**, naven dallas 9.15 entochen ca. allas 10.45. Vus astgeis spetgar in vast program adattaus alla vegliadetgna pia affons pigns. Voss'annunzia pren Ursina Murer bugen encunter entochen gliendisdis, igl 1. da zercladur 2015 per mail [murer@kns.ch](mailto:murer@kns.ch).

### Seruschnar–Paterlar–Termagliar

Tut ils affons entochen 3 onns en accumpignament da lur mumma ni bab sco era lur fargliuns ein cordialmein beinvegni a nossa sentupada da **gliendisdis, ils 8 da zercladur 2015**, dallas 9.00 entochen allas 11.00 che ha liug el local dil rudi d'affons Artgin (casa da scola Segnas).

Per damondas ni sclariment stat Nathalie Lutz, tel. 081 947 61 94 bugen a disposiziun.

Sin vossa viseta selegra  
*il team da mummas cun affons pigns*

---

### Der eidgenössische Preisüberwacher Stefan Meierhans im Disentiser Klosterforum

Am **29. Mai 2015** um 20.30 Uhr spricht im Peter-Kaiser-Saal der Preisüberwacher Stefan Meierhans über das Thema «Von Wasser und Brot. Wettbewerbliche Überlegungen zu fairen Preisen und transparenter Preispolitik.

» Herzliche Einladung. Kollekte zur Deckung der Unkosten.  
*Kloster Disentis, P. Urban Affentranger*

---

## Exercezi regional dallas Uniuns samaritanas Tujetsch, Medel e Mustér a Mustér/Fontanivas

### Gliendisdis, ils 8 da zercladur 2015

Rimnada: las 18.45 avon halla Cons. Equipament: resti cauld e buns calzers. Igl exercezi ha liug da tutt'aura.

Suenter igl exercezi vegn purschiu a tuts participonts ina mudesta tscheina ella Ustria Fontanivas.

Sperond sin ina stedia participaziun  
salida cordialmein  
*la presidenta*